

פרק ט (א) ויהי איש מבן ימין מבנימין ושמו קיש בן אביאל בן צרוור בן בכורת בן אפיח בן איש ימיני גבור חיל: (ב) ולו היה בן ושמו שאול בחור וטוב ואין איש מבני ישראל טוב ממנו משכמו ומעלה גבה מכל העם: (ג) ותאבדנה האתנות לקיש אבי שאול ויאמר קיש אל שאול בנו קח נא אתך את אחד מהנערים וקום לך בקש את האתנת: (ד) ויעבר בהר אפרים ויעבר בארץ שלשה ולא מצאו ויעברו בארץ שעלים ואין ויעבר בארץ ימיני ולא מצאו: (ה) המה באו בארץ צוף ושואל אמר לנער אשר עמו לכה ונשובה פן יחדל אבי מן האתנות ודאג לנו: (ו) ויאמר לו הנה נא איש אלהים בעיר הזאת והאיש נכבד כל אשר ידבר בוא יבוא עתה גלכה שם אולי יגיד לנו את דרכנו אשר הלכנו עליה: (ז) ויאמר שאול לנער והנה נלך ומה נביא לאיש כי הלחם אזל ממלכנו ותשווה אין להביא לאיש האלהים מה אתנו: (ח) ויסף הנער לענות את שאול ויאמר הנה נמצא בידי רבע שקל כסף ונתתי לאיש האלהים והגיד לנו את דרכנו: (ט) לפנים בישראל כה אמר האיש בלכתו לדרוש אלהים לכו ונלכה עד הראה כי לנביא היום יקרא לפנים הראה: (י) ויאמר שאול לנערו טוב דברך לכה גלכה וילכו אל העיר אשר שם איש האלהים: (יא) המה עלים במעלה העיר והמה מצאו נערות יצאות לשאב מים ויאמרו להן היש בזה הראה: (יב) ותענינה אותם ותאמרנה יש הנה לפניך מהר עתה כי היום בא לעיר כי זבח היום לעם בבמה: (יג) כבאכם העיר פן תמצאון אתו בטרם יעלה הבמתה לאכל כי לא יאכל העם עד באו כי הוא יברך הזבח אחרי כן יאכלו הקראים ועתה עלו כי אתו כהיום תמצאון אתו: (יד) ויעלו העיר המה באים בתוך העיר והנה שמואל יצא לקראתם לעלות הבמה: ס (טו) וה' גלה את און שמואל יום אחד לפני בוא שאול לאמר: (טז) כעת מחר אשלח אליך איש מארץ בנימין ומשחתו לנגיד על עמי ישראל והושיע את עמי מיד פלשתים כי ראיתי את עמי כי באה צעקתו אלי: (יז) ושמואל ראה את שאול וה' ענהו הנה האיש אשר אמרתי אליך זה יעצר בעמי: (יח) ויגש שאול את שמואל בתוך השער ויאמר הגידה נא לי אי זה בית הראה: (יט) ויען שמואל את שאול ויאמר אנכי הראה עלה לפני הבמה ואכלתם עמי היום ושלחתיו בבקר וכל אשר בלבבך אגיד לך: (כ) ולא אתנות האבדות לך היום שלשת הימים אל תשם את לבך להם כי נמצאו ולמי כל חמדת ישראל הלוא לך ולכל בית אביך: ס (כא) ויען שאול ויאמר הלוא בן ימיני אנכי מקטני שבטי ישראל ומשפחתי הצערה מכל משפחות שבטי בנימין ולמה דברת אלי כדבר הזה: ס (כב) ויקח שמואל את שאול ואת נערו ויביאם לשכנה ויתן להם מקום בראש הקרואים והמה כשלשים איש: (כג) ויאמר שמואל לטבח תנה את המנה אשר נתתי לך אשר אמרתי אליך שים אותה עמך: (כד) וירם הטבח את השוק והעליה וישם לפני שאול ויאמר הנה הנשאר שים לפניך אכל כי למועד שמור לך לאמר העם קראתי ויאכל שאול עם שמואל ביום ההוא: (כה) וירדו מהבמה העיר וידבר עם שאול על הגג: (כו) וישכמו ויהי כעלות השחר ויקרא שמואל אל שאול הגג הגגה לאמר קומה ואשלחך ויקם שאול ויצאו שניהם הוא ושמואל החוצה: (כז) המה יורדים בקצה העיר ושמואל

אמר אל שאול אמר לנער ויעבר לפנינו ויעבר ואתה עמד כיום ואשמיעך את דבר אלהים: פ
פרק י (א) ויקח שמואל את פה השמן ויצק על ראשו וישקהו ויאמר הלוא כי משחה ה' על נחלתו לנגיד: (ב) בלכתך היום מעמדי ומצאת שני אנשים עם קברת רחל בגבול בנימין בצלצח ואמרו אליך נמצאו האתנות אשר הלכת לבקש והנה נטש אביך את דברי האתנות ודאג לכם לאמר מה אעשה לבני: (ג) וחלפת משם והלאה ובאת עד אלון תבור ומצאוך שם שלשה אנשים עלים אל האלהים בית אל אחד נשא שלשה גדיים ואחד נשא שלשת ככרות לחם ואחד נשא גבל יין: (ד) ושאלו לך לשלום ונתנו לך שתי לחם ולקחת מידם: (ה) אחר כן תבוא גבעת האלהים אשר שם נצבי פלשתים ויהי כבאך שם העיר ופגעת חבל נביאים ירדים מהבמה ולפניהם גבל ותף וחליל וכנור והמה מתנבאים: (ו) וצלחה עליך רוח ה' והתנבית עמם ונהפכת לאיש אחר: (ז) והיה כי תבאינה תבאנה האתות האלה לך עשה לך אשר תמצא ידך כי האלהים עמך: (ח) וירדת לפני הגלגל והנה אנכי ירד אליך להעלות עלות לזבח זבחי שלמים שבעת ימים תוחל עד בואי אליך והודעתי לך את אשר תעשה: (ט) והיה כהפנתו שכמו ללכת מעם שמואל ויהפך לו אלהים לב אחר ויבאו כל האתות האלה ביום ההוא: ס (י) ויבאו שם הגבעתה והנה חבל נבאים לקראתו ותצלח עליו רוח אלהים ויתנבא בתוכם: (יא) ויהי כל יודעו מאתמול שלשום ויראו והנה עם נבאים נבא ויאמר העם איש אל רעהו מה זה היה לכן קיש הגם שאול בנביאים: (יב) ויען איש משם ויאמר ומי אביהם על כן היתה למשל הגם שאול בנביאים: (יג) ויכל מהתנבות ויבא הבמה: (יד) ויאמר דוד שאול אליו ואל נערו אן הלכתם ויאמר לבקש את האתנות ונראה כי אין ונבוא אל שמואל: (טו) ויאמר דוד שאול הגידה נא לי מה אמר לכם שמואל: (טז) ויאמר שאול אל דודו הגד הגיד לנו כי נמצאו האתנות ואת דבר המלוכה לא הגיד לו אשר אמר שמואל: פ
 (יז) ויצעק שמואל את העם אל ה' המצפה: (יח) ויאמר אל בני ישראל פ כה אמר ה' אלהי ישראל אנכי העליתי את ישראל ממצרים ואציל אתכם מיד מצרים ומיד כל הממלכות הלחצים אתכם: (יט) ואתם היום מאסתם את אלהיכם אשר הוא מושיע לכם מכל רעותיכם וצרתיכם ותאמרו לו כי מלך תשים עלינו ועתה התיצבו לפני ה' לשבטיכם ולאלפיהם: (כ) ויקרב שמואל את כל שבטי ישראל וילכד שבט בנימין: (כא) ויקרב את שבט בנימין למשפחתו למשפחתיו ותלכד משפחת המטרי וילכד שאול בן קיש ויבקשהו ולא נמצא: (כב) וישאלו עוד בה' הבא עוד הלם איש ס ויאמר ה' הנה הוא נחבא אל הכלים: (כג) וירצו ויקחהו משם ויתיצב בתוך העם ויגבה מכל העם משכמו ומעלה: (כד) ויאמר שמואל אל כל העם הראיתם אשר בחר בו ה' כי אין כמוהו בכל העם וירעו כל העם ויאמרו יחי המלך: פ (כה) וידבר שמואל אל העם את משפט המלכה ויכתב בספר וינח לפני ה' וישלח שמואל את כל העם איש לביתו: (כו) וגם שאול הלך לביתו גבעתה וילכו עמו החיל אשר נגע אלהים בלבם: (כז) ובני בליעל אמרו מה ישענו זה ויבזהו ולא הביאו לו מנחה ויהי כמחריש: פ

